

集部

次定四重人等一 思王集其誰曰不宜都陽洪氏以是碑文稱黄初元年 王植所作而梁鵠書之著于圖經假有好事者米之人 欽定四庫全書 右魏封孔羡碑在今闕里孔子廟庭相傳其文為陳思 跋七 曝書亭集卷四十 魏封孔羡宗聖侯碑跋 张書序集 翰林院檢討朱彝尊撰

縣百戶命孔子廿 受命應歷數以改物秩羣祀于無文既乃緝熙聖緒昭 壇即阼事記改延康為黄初而碑辭敘黄初元年大魏 原受禪之始歲且將終碑有既乃之文則下詔在明年 祀謂誤在史考魏王受禪在漢延康元年十 而魏志作二年正月詔以議郎孔羨為宗聖侯奉孔子 二月史未必誤若章懷太子注孔僖傳以宗聖為崇聖 |世追在三代三恪之禮無紹宣尼襃成之後以魯 世孫羨為宗聖侯制詔三公云云 月飲升

自じてし

色匹

議其非不得舉隸而遂遺真書也鍾太傅八分有受禪 草變于張伯英唐張懷瓘言之詳矣獨于真書不舉作 次定习最上等 者姓氏蓋以隸為真也然洪适以八分稱隷學者未嘗 肇王次仲章草原于史游行書起劉德昇飛白擅蔡邕 斯則誤矣 **砰餘多真書王丞相導爱之以尚書宣示帖衣幣過江** 古文造自倉頡篆創自史籀破自李斯隸始程邈八 尚書宣示帖跋 蝶書亭集

以示兒子是四時康熙英酉夏六月 均為世重王僧虔賞其婉婚盡妙陶弘景許以絕倫庾 語然則真書當別標一 述書賦而衛夫人圖筆陣有真書去筆頭二寸一分之 與竊疑漢代無真書工之自太傅始當時指法雖精章 肩吾品其天然第一顧魏志本傳無片言及其善書何 今之傳本出于王内史所臨而奏捷墓田薦李直諸 奏之外未大行于世迨晉帝王方用正書見于竇泉注 U 目未可牽混入隸之一門也書

康熙四年吳之村民于小雁嶺掘地得甎二識云大吳 跋吳寶鼎甎字

寶鼎二年歲在丁亥作一 皓起昭明宫方五百丈二千石以下皆自入山督攝伐 鑑晉泰始三年也面有螭文知非民間物考是年六月 時埤填之工陶族交作或分命吳郡助其役理有 一十有一字蓋孫皓時紀元通

然者甎之為用古人取材必精故羽陽銅雀香姜之

服書亭集

吳天重元年紀功碑亦名天發神識舊在嚴山段石岡 歲在士午又六月寓慧慶寺書 其石移置學舍中累之髙止數尺謙之 山謙之丹陽記嚴山東有大碣石長二丈折為三段今 又從候官林氏摹甘泉瓦合此裝池作冊因濡筆識之 秀才肇敏所得分其一 不孰者殆為圬者所棄流轉民間未可知也二數為額 吳天璽紀功碑跋 贈予予飲搨孔廟五鳳二年颠 /蓋神其說爾碑

金月四周全量

卷四十八

文倒置錯誤不可讀今依祥符周在沒雪客考定裝潢 縣治西南隅晉武帝太康十年三月尚父裔孫范陽盧 汲縣古朝歌地相傳師尚父舊居也遺碑一 蹟也金陵瑣事謂是蘇建書不知何據 其字在篆隸之間雖古而近拙亦未必定出于皇象手 无忌來為汲令刻石碑在縣西北三十里廟中北魏孝 こうえ 祖傳文出華數予為雪客撰碑考序已辨其非矣觀 晉汲縣齊太公二碑跋 1111 眼书车 表一表在

宜與縣周孝侯碑相傳平原內史陸士衡撰文會稽內 静帝武定八年四月立石司農卿穆子容正書按李白 彭定匹庫全書 則汲巳嗣公為侯非卒于康王時也然則金石之文亦 傳稱文王舉太公時公年七十二與李詩不合无忌表 詩云朝歌屠叟辭棘津八十西來釣渭濱而韓嬰詩外 有不足信者 曰康王六年齊太公望卒按尚書顧命有齊侯吕伋文 晉平西將軍周孝侯碑跋

方朔賛三種而已此外太史箴大雅吟不傳遺教經論 褚登善于西堂録右軍書目正書止樂毅論黄庭經東 義與縣令陳從諫重樹疑文字皆此君偽託爾 為不知量矣末題元和六年歲年卯十一 奄捐館舍乖謬已甚然書法亦不惡但假逸少之名是 史王逸少書孝侯戰沒而碑辭云元康九年舊疾增加 闕過半樂毅論亦亡其一角惟黄庭獨完宋人 宋搨黄庭經跋 月承奉郎守 八謂其不

之言右軍於書亦若是也曇壞換鵝之後傳刻者眾漸 嘗論周公孔子之文屈原之楚辭篇各異體不成 類疑後世依仿為之然登善著録其為右軍書信矣予 欽定四庫全書 王逸少書惟禊帖摹本最多南渡内府所藏几一 **畢露殆汴京名手所鋟亦名手所拓洵銘心絕品也P** 失其真佳本難得斯於謹東中審視之仙離橫逸生面 七本賈師憲竄逐朝廷命王孟孫簿録其家石刻蘭 開皇蘭亭本跋 巻四十八日 百

法學書永欣寺閣梯桄不下者四十年其勤苦若是且 韓馮葛數子也明胡祭酒若思亦云永嘉本是智永臨 柳博議載有智永臨本盖永師本逸少七世孫傳其家 為爛谿潘氏家藏序後具書開皇十三年歲次士子 寫宋紹與間太守程邁刻置郡齊末有孫與公後序是 于陳天嘉中賴紙真蹟曾歸之宜其筆精墨妙過于趙 月摹勒上石髙頻監刻一十几字觀者或疑之按泰澤 一千匣今陶九成所載目録唐以前本無聞馬兹冊 明本肥釋懷仁本前瘦後肥王順伯主肥尤延之主瘦 瘦攸殊褚廷晦本肥張景元本瘦歐陽行本本瘦石熙 蒯序殘石不知勒自何方後半多闕蓋肥本也禊帖肥 唐乾封三年僧懷仁集書斯言先後符合編疑是冊即 釋其疑己 眼録然則襖帖流傳隋代巳有二本考古之君子可以 永師所臨至煬帝時又有大業石本見周公謹雲烟過 欽定四庫全書 跋蒯事残石拓本 巻四十八

蘭亭賴紙既入昭陵書家之論以定武本為第一既寧 故其書姿媚知言哉今觀殘石東坡書法絕與相類殆 見肥者之不如瘦乎魯直又云東坡道人少日學蘭亭 黃魯直取肥不剩肉瘦不露骨斯執中之論與大都書 原出于肥本者也帖今亦藏爛谿潘氏竹垞老人書 家率以瘦本為貴相傳宣和中拓定武本叠匱金三紙 加氈椎拓之故下肥上瘦若是則在下者方不失真安 大三刀巨 跋蒯亭定武本 トラナラ **脲書亭集**

仕其弟過之行後拂塵于坐以予觀表伯長跋楔帖稱 本矣按歐陽水叔集古録謂定武二民家各有一 間納諸禁中或云此石亦殉裕陵則是人間不合有是 于宋未亡之前伯長所云蓋不誣矣兹來柘湖觀定武 子固死帖入賈相家賈敗籍于官有官印然則子固卒 可輕此實難得好事者目為佳話又子昂仕元子固不 于嘉興疾呼蘭亭在否舟人負以出子固大書云性命 之纖毫無異然則定武原有二本也相傳趙子固覆舟 乳片四周全書 卷四十八. 一石較

同 本則未知孫次公所納石與抑薛向所藏石與要之肥 **黎版字有閱行有斲損有肥有瘦有始肥終瘦各本不** 書至右軍入聖右軍書至蘭亭而變化無方後人評品 瘦適中努啄生動勝于他本因以所聞述之 宋定國使金云在中京中京遼之南京金海陵改為中 以定武本為最歐陽率更所臨也流傳有玉有石有棠 相傳石晉廣運中契丹輦歸棄之中道而榮次新言 國子監石本蘭亭跋

者必準于定武審其語系等差之洪景虛有云碑刻 者疑是廣運所棄石時長洲韓公存良官國子祭酒拓 右襖帖二石藏姜編修西溟家皆瘦本也世之論襖帖 爾 數百本遺友朋合之次新所述或即薛氏摹勒未可定 **丙戌間北雅治地得禊帖行款肥瘦與定武本略同識** 都即無京也吾郷沈先輩虎臣撰野獲編云萬歷了 欽定匹庫全書 姜氏蘭亭二本跋 見四十八月 酉

|爱翫而不釋也西溟拓以贈予前後鈴以私印蓋不輕 武石刻所能及是本有神龍半印正唐人摹本也墨蹟 評禊帖者十九多推定武獨陳長方謂唐人摹本非定 必問所從來但以書之工拙為斷予當歎為知言二本 存項子京天籟閣分授其子德弘鋟諸石康熙壬子夏 侧掠努耀不為成規所拘極其飛動宜西滨心慕手追 人民日声上手 闹亭神龍本跋 樂書亭集

這山徐尚書原一初得王子敬保母颠志予往觀馬驗 是日同觀者慈谿姜宸英西溟晉江黄虞稷俞邰秀水 是宋嘉泰間拓本經羣賢鑒定都陽姜堯章尤賞之連 移入墨妙亭子 瘦本差肥然抑揚得所骨力相稱假令孫華老見之定 多分四周白書 丁購得之經熙寧元豐諸賢審定元人賞識略同比干 跋于後尚書以晉石墨難得出白金十鎰易之 晉王大令保母甎志宋搨本跋 卷四十

者有它故賤者代之慈巳蓋慈母必父之妄保母乳母 為乳母子夏傳曰何以總也以名服也鄭注以為養子 軍而言可知已黃閍不見于施宿張淏二志爾雅閍謂 山樵樵人獲之黃閍與寧中保母葵地也按保母之名 沈廷文元衡也志出于嘉泰壬戌錢清王畿獲之會稽 以賤者代母或自有所從之夫子敬云歸王氏匪主右 見禮內則鄭司農謂安其居處者儀禮喪服總麻三月 とこうして ことう 門陽祊同廟門亦巷門也甎出土時已斷為四歸于

大令自刻傾倒至矣又云有人刻别本以亂真然則安 事訟其字不佳語不倫然堯章精于書法其于禊帖絳 書寶載之好為豪者所奪可爾 捐手之良非今工匠所能及也歸德安世鳳撰墨林快 君所見毋乃别本拙惡者乎予惟堯章之言是信語尚 帖評隲不夾謂是本有七美與蘭亭序不少異且言必 畿又斷為五合而搨之宜有裂紋而仍若不斷者信夫 梁始與安成二王墓碑跋

銀分四周全建

村梁侍中司徒驃騎將軍始與忠武王憺墓在馬王太 所云始與王民之爹是已薨于普通三年碑解侍中徐 康熙辛酉江南試士既畢為攝山之游出郭道經黄城 都督郢司霍三州軍事遷雍梁等四州軍事亦多惠政 勉撰貝義淵書又東北甘家巷梁贈侍中司空安成康 祖第十一子都督荆湘等六州軍事有惠政州民歌之 大己日戶 A 5 天監十七年薨于竟陵歸喪京師故吏譙郡夏侯聖表 王秀墓在馬王太祖第七子以中衛將軍領宗正卿尋 曝音事集

請立碑詔許之於是名士游王門者東海王僧孺呉郡 標抵類苑始興降意接士嘗與賔客連榻而坐史臣合 也二王同母俱以孝悌聞于時又皆好文安成招劉孝 陸便彭城劉孝綽河東裴子野各製其文今存碑二其 金牙匹屋石量 莫敢措手觀者亦憚于久立也昔歐陽子著集古録于 傳比于漢之河間東平其葬也兆基匪遠雖军木已 而麟辟邪贔屓循存第穹碑將仆勢不能支椎拓之工 全泐惟孝綽一 碑結街石上可辨書之者亦貝義淵 卷四

蕭梁止收智藏法師一 諸左傳郥氏按春秋傳昭公十九年楚子之在蔡也郥 汴京承平日度石尚堅立顧反遺之何與義淵爵里未 陽封人之女奔之生太子建杜預注即陽縣邑二十 貝靈該不及義淵羅沁國名紀謂貝氏吳越多此姓本 引千家姓韻譜云貝氏望清河古有貝獨坐晉有衡士 登科記有常州貝寶明永嘉方日升補注黄公紹韻會 詳廣韻注貝氏不載姓源鄭樵姓氏略于貝氏則引宋 次已日重白書 碑而此二碑在建康都會之區 眼書亭集

年傳稱楚太子之母在即名吳人而啓之冬十月吳太 衛侯次于垂葭實即氏杜預注垂葭改名即氏髙平 安所鐫石經仍作郹字足以正其誤矣予念六代刊石 字今南北國子監本悉更點為郥不典孰甚馬惟唐長 野縣西南有耶亭然說文玉篇類篇俱無耶字第有郹 書之冊而識其末 之文南朝更為難得爰取孝綽文并手摸始興碑殘字 金げんロ ,諸樊入郥杜預注郥郥陽也定公十三年傳稱齊侯 13 11 卷四 +

茅山許長史舊館碑跋

陶隱居書許長史識舊館碑拓本觀于爛谿潘氏隱居

諸法書要録來昂書評謂如吳興小兒形容雖未成長 以工草隸聞見于史傳嘗與梁武帝論書連章累牘載

是母筆與手會信告賢之言不誣碑立于梁普通三年 而骨體甚駁快竇泉賦則云髙爽緊密自然排闊今翫

使原碑而在験快高爽當更倍此矣 至唐大歴十三年中山劉明素以文字將湮重加洗 欠已四華白馬 縣書專集

少懼無逃于聖人之誅獨佛老以無所可否之言暢其 蓋誅賞者治世之權里人者是非所從出也春秋之作 者以當日有與起學校之功也吾于是乎有感孔子之 道岩日月然萬物宜無不向照乃或叛而之佛老何與 右魏魯郡太守張猛龍碑建自正光三年其得列孔林 金岩口尼台電 淨寂滅之古為恒情所樂聞而聖人者亂世之所惡 以誅亂臣賊子者至矣天下之人非者嘗多是者嘗 魏鲁郡太守張猛龍碑跋

武公軌八世孫方晉之朝士崇尚莊老獨武公在涼州 佛宫穹碑巨碣已無存者而斯碑在孔氏之庭歷十年 聞于闕里噫可傳也予留大同問拓拔氏故都觀所鑿 父之教修聖人之學于舉世不為之時使講習之音再 徵胄子五百人立學校春秋行鄉射禮而猛龍克循祖 欠に可良 かき 一人 以紀功德斯時也又安知有聖人之道哉猛龍為西平 之臺萬金之液竭民力事之及其旣成靡不刊石勒銘 也元魏之俗事佛尤甚斬山以為窟範金以為像九層 順昌事集

餘殉之遠邇以為楷式一時風尚乖别此江著作式所 孝靜帝興和三年十二月立石杏壇之下碑尚完好雜 嗚呼為政之君子可以知所務矣 云世易風移文字改變俗學鄙習炫惑于時者也囊覩 右曲阜縣修孔子廟碑魏兖州刺史李仲璇撰文并書 不壞雖更歷千年知莫有徒而去之者此予所為感也 金月四周全書 小篆分隸于正書中蓋自太武始光間初造新字千 魏李仲璇修孔子廟碑跋

勸化主邑師邑子都維那忠正北面像主養主多人中 劣然以批筆見古與後代專逞姿娟者不同也碑後列 正書雜用大小篆八分法北朝碑多類此書家嫌其乖 右碑北齊後主武平元年正月立于萬山少林寺文本 倫矣仲璇魏書有傳自究州還除將作大匠卒贈驃騎 太原風峪髙齊時鐫石柱佛經亦多類是斯亦穿鑿生 **天將軍儀同三司青州刺史** 北齊少林寺碑跋 察勘丁集

後周華獻頌立于武帝天和二年在今華陰縣西金天 同三司大都督司宗治内史臨淄縣開國公万紐于瑾 篇汗簡等書皆無之吾不敢知也曹上舍仲經好古金 王廟中碑于題後結街曰使持節驃騎大將軍開府儀 石文特裝界為冊跋其尾馬 亦當時習俗然爾養主揆之以義當屬齊字但說文玉 有張黃頭馬黃頭按北史游雅小字黃頭則黃頭命名 **銀灰匹庫全書** ■ 宇文周華嶽頌跋 老四十八

宗也複姓古有之三字姓始于代北魏書官氏志載有 持節大都督其日司宗者武帝保定四年更禮部稱司 縣五等爵者皆加開國授大將軍開府儀同者並加使 弟姪之敬時瑾已位開府矣進爵臨淄縣伯周制封郡 造此文車騎大將軍儀同三司縣伯大夫趙與郡守白 之同姓結為兄弟文帝乃賜姓万紐于氏庭縣子孫行 唐瑾也為燕公于謹器重白文帝言瑾學行兼修願與 石縣開國男南陽趙文淵字德本奉勅書万紐于瑾者

義功封白石縣男邑二百戸遷縣伯下大夫加儀同三 右周少保豆盧恩碑康熙歲戊子觀于核堂潘氏書屋 是碑殆非虚譽云 司天和元年露寢成以題勝功增邑二百戶北史更淵 謹猗氏則樊深匪特唐瑾也文淵于大統十年追論立 勿忸于氏紐作忸勿疑万字之為賜此姓者洛陽則于 曰深避唐髙祖諱也史稱其楷隸雅有鍾王之則今觀 後周幽州刺史贈少保豆盧恩碑跋

欽定四庫全書

矣宇文建國用蘇綽盧辯輩議禮諡法不輕假人即宗 太保寧先後立功碑云恩字永恩北史後周書俱闕其 恩本前燕支庶姓慕容氏與兄同州刺史封楚國公贈 **子維藩弗隱惡德如晉公護曰蕩齊王憲曰煬衞王直** 次足四車全書一人 畢王賢曰刺趙王抬曰僣陳王純曰惑越王盛曰野代 名止書其字永恩附見寧傳惜也後幅漫漶不能卒讀 名以敬誠厚幸矣稼堂曰昭乎哉予之言也曷書之於 王達曰奰紀王康曰厲而豆盧兄弟或易名以昭或易 順書亭集

足乎書 ヨラ 真定府龍藏寺隋碑跋 卷四

年恒州刺史郭國公金城王孝修立石齊開府長兼行 真定府治東龍與寺隋龍藏寺故址也寺柳于開皇六 **祭軍九門張公禮撰文恒州齊亡後入于周周又亡**

于隋而公禮仍書齊官君子不忘其故國于稱名見之

矣流傳宋太祖曽幸其地寺重建于乾德元年 龍興之

哉若夫隋之碑存于今者寡矣裝界而藏諸也可 也劉季起沛上衆推擇可為沛令者蕭曹等皆文吏自 終南山釋道宣撰神州寺塔録鋪叙佛像顧不及馬何 七丈三尺臂四十有二土人目為大佛寺碑亦具存而 次定四車全書 人 殿殿北閣五層廣九楹崇十有三丈中奉觀世音像髙 在常山府署之門則嘉祐間碑循在寺外也今入門有 王侯将相時至則居之雖豪傑之士不能預信于平日 題偽刻李衞公告西嶽文 際書字集

尋為馬邑丞唐髙祖擊突厥衛公察其有非常志乃自 遇為文告西嶽神意在取天下次則擇主而仕若微時 陽哉劉伯温羈管紹與感憤至欲自殺又嘗為石抹宜 愛恐事不就盡讓季當其時安能必後之相季封敬平 鎖上急變新舊唐書所載略同可謂不知天命之尤者 預以帝王自許者然考之史衛公初仕隋為殿内直長 日後十年有帝者出吾當佐之殆妄也世傳李衛公未 孫所用初未有佐命之思而或謂其在西湖望見雲物

老四十 ハ

120.10 not 1115 趙氏所録皆無之蓋近代偽者為之真妄男子也 右晉唐小楷一十六種共一冊舊藏新安畢侍郎懋 頭焚其廟宇此豈衞公之言昧者從而刻之石按歐陽 見李肇國史補而告文不知何人所作其云斬大王之 亦安得于未遇時逆知為唐佐命出入将相乎其事雖 康家吾友潘次耕得之出以見示次耕博訪金石文 , 装界得此遂為翠墨之冠審視再三字比近時摹勒 潘氏家藏晉唐小楷册跋 曝書亭 集

金万四周 全量 者差小又紙墨! **男汝等帖足本已亡侍郎偶得其一弓爾然楷法已略** 武用張懷雅法估之不啻直干稱也 書亭卷四十、 色竊疑淳化帖外如大觀淳熙潭 巻四十八

欽定四庫

全書集部 爆書事集卷四十九至

助教臣常循覆勘 校 對 官修撰臣戴衛亨 總校官降調編修臣倉聖脉 騰 録 監生 旧楊尚曾

詳校官庶吉王臣汪彦博

Called Liti 曝書亭集 遂刻而深之帝當自述作書之 **柯東隅碑陰列長孫無忌蕭瑀** 馬周街名後人覆之以亭而 - 真觀二十 檢討朱彝尊撰 年七月御製

骨力形勢俱失矣子嘗五至祠下輒摩挲是碑覽古典 多灰匹库全書 柱冨平李因寫子德見而賞其工因遺書與予定交於 懷集少陵野老詩句文章千古事社稷一戎衣書於亭 鍾山紀檗子客於燕壬子八月過其寓齊觀宋搨聖教 其歸也拓銘一本贈之而書其後 法惟求骨力骨力既得形勢自生不意為庸工改鑿而 序售為吾里項子京家蔵上有張澂跋尾澂字如瑩建 聖教序跋

復以他本較其釣畫要未若此本之善 必估其價析産時按所書以遺諸子見者以為不爽殊 絕妙當知為南渡以前物矣子京蓄書畫甲天下卷尾 兩馬甲寅春縣子俶喪南還相對潞河酒關索予題識 欲其尺牘不可得今觀其書法果入格且歎此冊紙墨 同里曹生仲經嗜金石文手拓同州李君碑示予紙墨 炎中官尚書右丞周益公稱其馳聲翰墨位望既崇 唐騎都尉李君碑跋 果島工工

多定匹库全書 知敬殿仲容不能造詣及此李君諱文字緯東漢以後 精善對之眼明碑未詳書者姓氏觀其峻利秀逸非王 儀此外不多見也 師古字籀李眾字師李琇字琇張巡字巡郭曜字曜字 文審字審李恢字祥李條字堅實思仁字恕張義方字 字必以兩字稱一字者罕矣載于唐書房玄戲字喬顏 右郭君碑在汾陽縣北七十里予於丙午秋經郭社村 唐郭君碑跋 卷四十九

文皆縣儷語首二行剥裂君之名字門世與撰文者皆 **諤所部人跳雖及而斬之世咸不知揮刃者之為郭君** 殺温大雅創業起居注义云老生攀繩上城軍頭盧君 宋老生棄馬投塹甲士斬之新唐書則稱為劉弘基所 闕焉其知為郭君者籍有額存也碑立於乾封二年中 而君之名以石裂終不傳可惜也 有云揮霜銀而斬老生蓋從太宗攻霍邑者按舊唐書 行溝中仰見土岡之上碑額微露環岡數里乃登請其 V1.10 10 1.11. 曝書亭集

金月四月全書 高正臣也碑立於上元三年徵君者蕭梁處士山賓寺 嘗熟王輩嘉與用貨平湖曹彦樞暨子弟桑玠同游是 之於石石至今猶完好歲在辛酉十月子與金陵鄭蓝 山留信宿各榻一通以歸 其故宅髙宗以山賓來孫崇儼入閣供奉特為撰文勒 |元縣攝山佛寺明徴君碑其文唐高宗御製書之者 跋唐明徵君碑 唐龍門奉先寺盧舍那像龕記跋

去洛陽二十五里而近兩岸洞龕佛像累千合夾侍坐 秋之闕塞是也韋應物詩鑿山導伊流中斷若天闕而 關壓道元注昔大禹疏以通水兩山相對望之若闕春 立者幾盈萬此杜少陵詩所云氣色皇居近金銀佛寺 其流禹始鑿之然後通也斯言其信矣夫山有八寺其 司馬君實之言曰龍門伊闕天所為非山横其前水壅 水經伊水出南陽縣西東北過陸渾縣南又東北過伊 一日奉先像建自成亨三年而以調露二年賜額蓋闕 聚島中華

僅見之趙明誠金石録及樓大防集而已子友葉封井 戊子竹坨八十翁彝尊識 開也碑闕書者姓名或云表元哲族考正續書之康熙 鈺定匹庫全書 叔知登封縣事撰嵩陽石刻志始著於録顧刪去九首 也新售唐書本紀均未之書計敏夫唐詩紀事亦不載 東薛曜正書久視元年五月刊於平樂澗之北崖斯游 右唐武后夏日游石淙詩并序羣臣和者一十六人河 跋石淙碑 老四十九 唐詩集皆略而不收斯碑亦棄不録世遂莫知睿宗及 古風臨朐馮氏詩紀海鹽胡氏唐音統籤泰興季氏全 恒岳詩任要韋洪岱岳觀白蝙蝠詩三衢石橋寺李諲 辨識也井叔曩語子澗壁面水必穴崖棧木乃可摹拓 好漫漶僅三字惟張易之昌宗姓名為人擊去然猶可 覽者不無憾其闕漏康熙已外九日獲披全文碑尚完 故儲藏家罕有之子性嗜金石文以其可證國史之謬 而昔賢題咏往往出於載紀之外若賈竦華岳詩李覓

都即東都故詩中有伊水嵩嚴之句屐蓋金輪十三字 聖吉齊龍壁御詞網帛香等物詣此齊醮即其人也神 狄梁公之有詩傳於今予因為跋其尾 釼定匹库全書 日勅使麻先生者按今觀中有幾碑其西一碑北面第 右唐博城馬令詩在岱岳觀碑之東側面其名剥蝕題 二層有久視二年記文稱神都青元觀主麻慈力親承 音義未詳亡友顧炎武寧人吳任臣志伊均疑為 跋唐博城令祭岳詩 卷四十九

張長史以草里名正書傳者絕少而黑妻九品書人列 應字想當然矣 唐張長史郎官石記跋

尚書思白墓而勒之戲鴻堂帖謂海内止有一本蓋以 **傅濟之家後王元美敬美迭相厳奔三公各有題識董** 之上上良以其正書不易得也郎官石記舊本存王太

使之解 處歷千萬裡而石碱玉牒後人莫得見其形兆果明神 莊周稱易姓而王封太山者七十二家勒石千八百餘 金月四月子書 兵火後不復存長史蘇人故立碑於此按郎官題名宜 淳熙以前所揭無疑康熙し酉六月觀於商印宋公節 在長安其刻石存蘇州學舍者吳人鄉曲之情爾此处 **護邪祖龍肇始立碑入巴埽迹兩漢迄唐間世** 開元太山銘跋 3 卷四十九

騎常侍徐堅太常少卿幸給秘書少監康子元國子博 冬十一月式遵故實有事於太山部中書令張該右散 撰封祀壇頌侍中源氧曜撰社首壇頌禮部尚書蘇題 山頂之石以十四年九月丙戌告成於是中書令張說 士侯行果於集賢書院撰儀注巳丑日南至法駕詣山 下御馬以登行升中之禮天子製紀太山銘親札勒於 修時邁之典開元天子允文武百家之請於十三年

撰朝觐壇頌趙明誠金石録目載太山銘側有題名三

曝書中集

たいりら たたい

東安開不比孝經之多內少骨若唐隸盡如此何熟漢 更以忠孝廉節四大字鏡其上頌文毀去者半可憾也 列令已無之而題頌授梁昇卿書刊御製銘右明有俗 金贞四月全世 陟琛道手摸其文韵之野老必架木縁縆而上然後椎 碑碣乎山髙四千九百丈二尺行旅出於塗者車前馬 碑銘典雅或是燕許手筆而御書道,到若怒視渴購羁 拓可施义山髙多風兼慮日曝紙幅易裂若是其難也 首仰视略可视崴在巳酉五宿兹山之麓未克叩天關

唐天寶七載封北岳神為安天王是時禄山近在肘腋 **餐江都阻風瓜洲渡口書** 後患豈意天寶之亂近在目前也乎是歲六月丁未舟 作奕奕有曰自令而後儆乃在位將多於前功而悲彼 售搨爰審定而書其本末於册尾銘書隨作隨書繹繹 秀才真能分書獲此本於白下雖有關文乃百年以前 曩者先後裝界三本悉為好事者所奪已丑夏同里沈 唐封北岳神碑跋

だい日間 1115

账書字集

悌書所題職名有駕出長上扶車長上按唐制兵部尚 獨遺之何與 **隣梁昇柳張庭珪史惟則諸家之上乃盛熙明及書法** 安天王之名得母為之兆乎砰辭李荃撰其除則康傑 文書以八分者戴千齡也筆法淳古遠在韓擇木熬有 金好四月全世 書選,聽勇材藝可為統領者拔其尤令宿衛目日諸色 西安府崇仁寺陀羅尼石幢唐天寶七載五月建張少 唐崇仁寺陀羅尼石幢記跋 卷四十九

堂是本尤住因撫六典新舊書識其末康熙四十有七 漁師此云駕出扶車殆皆宿衛士矣少悌筆法娟秀稼 長上有一日上兩日下者有五日上十日下者若長人 CA. TOTAL LILL 年二月壬寅朱彝尊題時年八十 李嗣福充監門直長李善充尚輦直長上周先孝充左 長上取形軀六尺六寸以上者充之則每日隨仗下隸 羽林軍長上見於新書宰相世系表外河渠署有長上 左右監門衛者也又有直長長上長孫温充尚儀直長 張書字作

守李龍濟南守田琦胥會於東平源明議廢濟陽以虚 之役太守李俊虞夫役不均於是濮陽守崔季重魯郡 寶十三載 廢濟州將母國史傳聞或失其實與迨明年 東阿歸東平平除長清歸濟南陽穀歸濮陽既而縣乃 禄山作逆則源明已徵入為國子司業此杜甫八良詩 多好四月全書 天實十三載七月扶風蘇源明守東平時濟陽有河隄 不割郡亦仍舊見源明所作詩序而劉昫地理志稱天 書唐蘇秘監小洞庭二碑後 卷四十九 ac

右假忠寺賓塔其文張不矜撰蘇靈芝書建自唐至德 文字者多不著於錄也 年洄源亭渦泊已迷其處矣聞是碑尚存惜儲嚴金石 次已四百人的 二載碑稱御史大夫史思明奉為大唐光天大聖文武 使令狐楚以二詩立石題云自源明远楚為時僅八十 明特字渦泊曰小洞庭亭曰洄源至太和中天平節度 產出守還黃屋朔風卷之句也當五太守熊集源 唐憫忠寺實塔頌跋 眼書卒集

此地歸唐後人所重刻者今年冬遇貞一於諸城李渭 陷處類磨治再刻以為思明復叛之後磨去及思明誅 寧人撰金石文字記稱嘗侍鄞人萬貞一觀是碑其文 明夢餘録謂碑建於思明初歸附之時而崑山顧處士 孝感皇帝敬无垢淨光實塔頌宛平孫侍郎耳伯著春 金历中五八三十 清所遂同往觀焉碑首范陽郡三字史思明三字次行 宅四水西都八川暨唐祚字至德二載字其文深陷然 大唐等十二字文中維唐紹統及彼命啓與禪虞又東

尊號二月乃赦天下改元碑既建於二載十一月不應 字禄山僭稱范陽為東都公東都也大唐一行其初公 若碑建於降後宜大書王爵不當祇稱御史大夫則是 思明之降在至德二載十二月至明年正月肅宗始加 書法實出一人始悟侍郎處士所云猶未為定論也考 禄山父子偽號文中唐字其初必燕字而至德二載其 碑之建蓋在思明未降唐之先范陽郡三字其初本二 預書尊號又思明初附肅宗授以歸義王范陽節度使

火三四年 三

账書序集

尚未可定也不矜與判官耿仁智同僚思明之將復叛 爾碑文以左為前寧人謂書丹於石之故疑從禄山俗 明姓安名崇國追既降附復更舊名因命靈芝改書者 思明知之遂執二人仁智死不於度難獨免可知己當 光弼臣當自引兵就太原誅之及將入函為仁智削去 也表請誅李光弼不矜實為起草辭曰陛下不為臣誅 初处禄山父子僭號之年無疑載及安慶緒襲位賜思 日思明降而復叛既誅之後唐人見其碑踣之惟恐不

金、タセカノニャ

蘇靈芝書予所見者幽州憫忠寺寶塔頌及是碑而已 書於後 氏古林康熙壬子春忽見於花南水北之亭正如久別 宋人搨本精采具存董尚書稱其道密宜矣册舊嚴曹 **聞予言作而曰有是哉於是人摹一本予為攷其始末** 力安有反勒其名於石者乎此又事之所必無也貞 今其石漸泐飛動之致已失遂不堪與李北海對壘此 蘇靈芝易州鐵像頌跋

大三日日日日

曝書車作

+

七百本近已散失斯碑獨為識者所得幸矣 各禁其囚迨武后時來俊臣侯思正皆為御史制獄之 金月巴月白書 外臺獄圛扉恒滿崔隱甫總臺務言于朝掘去於是旁 近拘繫之其漸也侍御史東西推監察御史糾視刑獄 唐自貞觀中李氧祐為御史大夫别置臺獄囚當訊就 列精舍以釋典懺之崔湜為文梁昇卿書以八分開元 相對古林金石表儲蔵泰漢以來至五代十國凡 唐御史臺精舍記弁碑陰題名跋 卷四十九

MANDE LILLS 椎拓不及焉中有薛侃侃者二名重文碑凡三見此唐 侍御史知雜侍御史監察御史共五十人而碑之左右 并内供奉街题名僅盧懷慎崔湜陸景初三人亦昇卿 三百四十七人監察御史也碑額又有天寶元載以後 分書自懷慎以下正書百二十二人侍御史也自湜以 下正書百八十四人殿中侍御史也自景初以下正書 代所僅有也昇柳自監察御史歷殿中侍御史選侍 一年勒諸石碑陰列侍御史殿中侍御史監察御史 眼書車焦 +

請作皆無之業編所載諸道石刻其中唐人詩尚多惜 惜其陰面壁工人不知響揚然胡氏統籤季氏全唐詩 十年吳江張吉士尚瑗出知興國縣事乃拓訴詩見貽 諸儀門之右其陽裴訴詩其陰裴氏族子題名記事後 **謁廟下者輔云無有康熙壬申十有一月泊舟於潭獲 贑州儲潭廟唐碑二載陳思寶刻叢編子屬友人訪求** 御史再遷太子右庶子 金为以用石工 唐儲潭廟裝諝喜雨許碑跋 卷四十九

學孔子廟西之夏屋也見舒元與問國學記其初塗之 古今之字詳定五經書於論堂東西廂之壁論堂者太 校定經本送尚書省升國子司業張參辨齊的之音考 以土而已太和間祭酒齊暭司業韋公肅易之以堅木 唐大歷十年有司上言經典不正取舍莫準乃詔儒官 無好事若張君為予博訪而崇拓之也謂字士明洛陽 人尚書寬子仕至兵部侍郎舊史有傳 五經文字跋

於定四軍全書 又

眼哲学集

式為功匪淺矣故禹錫記稱為名儒作史者宜以之入 塗而木版自木版而刊石字已三易恐非於所書矣以 京國儀型光我廊廟異彼丹青其推朗若此是書自土 記當時場屋至發題以武士文苑英華載有王履貞賦 孝廉生顏傳經取疑文互體對考而斷決之為士子楷 子論之唐人多專攻詩賦留心經義者寡參獨奉詔與 其略曰置六經於屋壁作羣儒之龜鏡又云一人作則 擇國子通書法者繕寫而懸諸堂禮部即劉禹錫為作 金りモルノニュ 家姓氏亦宜載之而書苑書語書史均未之及闕事二 他不詳焉闕事一也外謂讀書不如寫書度其書法处 其姓名僅一見於宰相世系表一見於藝文志小學類 間舉明經至大歷初佐司封郎尋授國子司業者也今 工故當時壁經羣儒奉為龜鏡縱不得與儒林之列書 明經舉鄭省詩錢起集有送張於及第還家作而即官 儒林傅而舊史新書俱不及馬按孟浩然集有送張於 石柱題名參自入司封負外郎之列蓋參在開元天寶

たいりしたい

账書车集

類於昌黎韓子所云持摭星宿遺養娥矣關事三也今 篇此獨無有是唐刻石經永叔當日反失於摹捐未免 傳無不皆有乃獨唐所刻石經録中跋尾三百九十六 九州名山大澤窮居絕谷荒林破冢神仙鬼物說怪所 樣同刻石附九經之後歐陽永叔最嗜金石文字其序 諸書皆有雕本獨五經文字九經字樣止有拓本無雕 集古録云上自周穆王下更秦漢隋唐五代外至四海 也壁經雖無存然參所定五經文字與唐玄度九經字

金与巴乃有量

卷四十九

具書之 本闕事四也予思漢魏石經既已湮没惟唐開成本尚 存參書幸附刊於石顧學者東諸髙閣罕有游目者故

平定州唐李諲妒神頌跋

髙宗將幸汾陽宮弁州刺史李沖玄以道出如女祠俗 異哉妒神之有頌也神之號不在祀典見於史傳者唐

使狄仁傑謂天子行風伯雨師清塵灑道何妒女之害 云盛服過者必致風雷之災乃發萬人別開御道知頓

账書事樣

+

欠三日日 三十

關以娘子稱殆因神而名之也立碑之歲大歷十三年 妹也頌之者誰游擊將軍上柱國李諲也碑於何所今 莫或廢也且夫妒惡德也宜為銀所共惡而神乃以是 也神之行事不見於春秋內外傳其好也孰傳道之自 邪遽令罷役然則如女有祠其來久矣相傳神介之推 致頌此不虞之譽也井陘西南太原東北如神之水澹 唐以來祈焉而祝史陳廟焉而膢臘祭此謂有其舉之 平定州娘子關也州東有井陘東北有磐石葦澤而斯

金月巴居有書

之古林曹侍郎溶也以八分書其後者布衣秀水朱桑 馬熊色興雲致雨作造化力頌之辭也吾思古人嗜金 尊也歲在强圉協洽秋八月朔 石文字者多矣考斯碑未著于録椎而拓之裝界而蔵 尋仙人對爽所前後洞豁有碑峙其右則唐嗣江王禕 於三四東公馬 天也康熙士申冬知縣事應君祐邀子往游從寺登山 石橋寺在衢州府西安縣南三十里道書第八青霞洞 跋唐衢州刺史嗣江王禕石橋寺詩 账書車長 ヤセ

峰没歸翼二語係王詩疑為仙人遺句誤矣 雲間初為刺史作也成都楊用修不知海烟暴遠郊遥 禕舊唐書傳律少繼江王臨後封為嗣江王改封信安 文稱刺史章公於石橋寺橋下以外祖信安郡王詩刻 持節衛州諸軍事守衛州刺史賜紫金魚袋韋光輔建 所題五言詩以貞元三年正月上石末書朝散大夫使 郡王景雲開元中雨為衛州刺史詩題嗣江王當是景 金 とり 人とこう 石按新唐書表太宗第三子吳王恪恪第三子琨琨子

部三行行四司右司統之各掌十二司事舉正稽違省 也二篇别勒于碑而題名録於柱自貞元後則令史續 於定四軍全書 一 署符目定其程限吏分設司封司勲考功户分設度文 部戶部禮部三行行四司左司統之西有兵部刑部下 書故工拙大小不齊焉唐制尚書省都堂居中東有吏 左丞孟容撰後序記出旭正書後序劉補闕寬夫隸書 唐尚書省郎官石柱題名吳郡張長史旭撰記京兆許 唐郎官石柱題名跋 縣書車集

均有壁記詳其改充選轉之歲月而石柱第注姓名而 儒學孔子廟庭之右上有古柏覆之竊思六部既分左 格紙而同里曹生復以所揭本贈予因言柱在西安府 以界尺審視之姓名可識察者三十一百餘人別録諸 莫辨會桐城方生來自京師訪予梅會里坐曝書亭鎮 部刑分設都官比部司門工分設屯田虞部水部諸司 金部倉部禮分設祠部膳部主客兵分設職方駕部庫 D康熙戊子子始購得郎官題名三紙字已漫漶眼昏 卷四十九 又題名云貞元十四年正月十一日立春祭岳遂登太 屬郎官題名無一人者是左存而右已失也若禮部四 右則當時立石必東西各一令右司暨兵刑工三部所 生名世舉字扶南曹生名曰瑚字仲經俱受業予之門 司關郎中考功膳部闕員外郎始由推拓者遺失爾方 側而編岱史者不錄任韋公孫三人新舊唐書無及任 右唐張嘉貞任要韋洪公孫杲四詩俱刻于岱岳觀碑 跋唐岱岳觀四詩

砂定四車全書

眼書亭集

九

墓中有瓦爐一瓦罌一墓石二方廣各一尺二寸 蓋唐時祭畢猶不用酒故宴以茶也 而已文稱貞元十五年歲次已夘七月朔夫人寢疾卒 而書誌作誌又無撰文人姓名第云歸于我彭城劉公 康熙二十年秋禁垣西偏中官劉進成宅掘地誤發古 下氏墓誌四字環列十二辰相皆獸首人身一刻誌銘 **唐濮陽卞氏墓誌銘跋**

平頂宿其年十二月廿一日立春再來致祭茶宴於茲

でいる こここ 仕至司空侍中贈太尉其子姓號太尉支元方象先希 相元方之自孫象先之從孫希聲之從祖也先世曰玩 游石橋記元和元年三月衛州刺史陸庶文庶吳人字 之幽州在今都城之西南合之是碑益信 於幽州薊縣以其年權定於幽州幽都東北五里禮賢 鄉之平原按憫忠寺有唐人舍利記二一云寺在城東 一云大燕城内地東南隅有憫忠寺門臨康衢則唐 唐游石橋記跋 原外世四直丁五

貴公孫領郡碑後列親窟接武男子從行是亦好事者 聲三世相唐新書世系表 應臣福建觀察使當日以 **機男子五人右內率府錄事參軍綜前弘文館明經繪** 親賓二人子壻試大理評事元益前絳州太平縣尉崔 多玩四库全書 史惟縝無之崇陵者德宗陵也縝以大臣子弟充挽郎 書級鄧令綜河南府户曹參軍繪信州刺史紹願州刺 唐制然矣 左監門衛率府兵曹參軍紹前崇陵挽郎旗按世系表 卷四十九

録之中間關文僅六字耳迥字陽柳知幾子大思初吉 碑留石橋寺嘉靖中尚存都御史江山趙鐘修府志具 庶子泉因幼卿得名深字士達兵部郎中衢州刺史 志幼卿字長夫隴西人大歷中以右庶子領滁州州有 州刺史終諫議大夫給事中有集五卷載新唐書藝至 泰山人大恶中宏詞及第戎字元大元和七年以刑部 右劉迥李幼卿李深謝劇羊治薛戎詩各四首刊成二 跋石橋寺六唐人詩

以為法 續之各為一集合之以行後之君子改修地志者當取 詳二碑不知何年失去其後官三衢者改修府志乃盡 多好匹库全書 山川望秩濟清神清源公建廟于濟源縣西北而築北 刪唐人之詩深可恨也宋陳耆卿撰赤城志明謝方石 即遷河南令歷衢湖常三州刺史終浙東觀察使劇未 唐濟濱廟北海壇置祭器銘跋 廟後號厝澤王掌之祠官歲立冬日奉祀其來 卷四十九 置殿左右殆本古祭川遺製丽洗于事神有禮度治人 比於郭氏之注義較明昕令山祇川后祠宇恒有車船 拔用其材製祭器凡百二十有二餘以造雙舫云按爾 焉未之詳也碑文謂沉幣雙舫蓋舫以浮之幣以沉之 雅祭川曰浮沉郭景統注以為投祭水中或浮或沉語 久矣舊俗廟不設祭器先期令請于上官購諸洛下酬 以稅稱所用沉幣之舫則以車遠運沁河渡口貞元十 三年濟元令張洗字濯纓覩廟中楸槐數本為大風所

於三四車Am

曝書字集

萬級于瑾所撰華岳頌之左方領之陰則開元八年劉 修之修之者殆疑之也詩題北周天和二年趙文淵書 題名太和六年四月其姪男宣義郎行華州然軍事取 升書咸廙所撰精享昭應碑也其右勒頹真卿乾元元 必有方情乎斯銘不載圖經而洗之政事亦無表見碑 **今蔵吳江潘氏稼堂其善蔵諸 元和元年十月著作郎河南賈竦謁華岳廟賦五言詩** 書唐賈竦華岳廟詩石刻後 卷四十九

終愛雕本為怯皆所當勘正者 注云重增然則今之廣韻亦非唐韻之舊矣從雕本譌 次三里和 ALES **廣韻未收而毛晃增注禮部韻略有之引白詩為證且** 詩特醇雅顧圖經未之来為爰裝界書其後 年題名工每椎拓三面而遺竦詩以是流傳者寡然其 **令長慶集不載或以是詩補入元微之集中誤也散字** 右白傅草書一十九行錢穆父在越勒石寘選萊問下 白樂天草書春游詩拓本跋 眼書車集 Ŧ

欽定四庫全書 **曝書亭集卷五十** 翰林院檢討朱롫尊撰

唐國子學石經跋

右唐國子學石刻九經易九卷二萬四千四百三十七

字書十三卷二萬七千一百三十四字詩二十卷四萬 八百四十八字周官禮十卷四萬九千五百十六字儀

禮十七卷五萬七十一百十一字禮小戴記二十卷九

果苦中長

邑二千戸鄭覃勘定勒石本也新舊唐書載覃奏起居 萬八千九百九十四字春秋左氏傳三十卷十九萬八 千一百一十三字論語十卷一萬六千五百九字爾雅 千九百四十五字公羊氏傳十卷四萬四千七百四十 平章事太清宫使兼修國史上柱國滎陽郡開國公食 禄大夫右僕射兼門下侍郎判國子祭酒同中書門下 二卷一萬七百九十一字開成二年都檢校官銀青光 八字穀梁氏傳十卷四萬二千八十九字孝經一卷二

金好也月全書

卷五十

者有四門館明經艾居晦陳玠又文學館明經不知名 監察御史張次宗禮部員外郎孔温紫四人校定又冊 **灰上柱國賜緋魚袋唐元度朝議郎守國子毛詩博士** 正字柏喬將任郎守四門助教陳莊士朝議郎知沔王 府元龜載文宗命率更令韓泉充詳定官而題名于石 (柱國章師道)朝散大夫守國子司紫騎都尉賜緋魚 、 將仕郎守潤州句容縣尉良絳將仕郎守祕書省 まったこと

即集賢殿學士周墀水部員外郎集賢殿直學士崔球

袋楊敬之并覃共十人顧國史所記者題名不書題名 書者國史亦不紀不可解也石經文劉昫議其字乖師 長慶二年右一通安定郡王李光進碑也其辭令孙楚 去榆次縣三十里趙村有穹碑三中央一通仆地折為 法然終勝今監本坊本儲蔵家不可不以此插架焉 段贈太保李良臣碑也其辭李宗閔撰楊正書立干 *季元書立於元和平 祭之後左一 榆次縣三唐碑跋 一通太尉李光

多定匹库全書

101

定郡王史没其文吾意碑郡定不誣矣 者以子贵贈官光進光顏皆以功蓋天下時人以大小 大江巴日祖在 師旋請於朝葬其兄則史傳所未及又碑書光進為安 大夫别之兄弟孝睦載于舊史而碑稱光顏平吳元濟 張司業五經文字始塗於土繼雕於版歲久傳寫點書 部落稽阿跌之族襲雞田州刺史隸朔方軍其稱太保 碑也其辭李程撰郭虔書立於開成五年良臣本河曲 九經字樣跋 眼書亭集

來差於是開成中污王友朝議郎翰林待站唐元度依 金切じたろう 文頗有依據蓋自後周廣順中田敏進印版二部後石 鄭覃輩成之其議實發於元度也王伯厚稱其辯正書 文字之末兼請于國學物立石經令長安所存石經雖 司業舊本參詳改正採新加九經字樣一卷請附五經 本之外鏤版更無人矣 石墨之傳于今有難以驟讀者天發神識石斷而為 書張處士座觀辨跋後 卷五十

作銘理有然者自處士之圖出足以息衆說之紛綸矣 中有謝王郎中見贈琴鶴詩鶴始出於性所好斯歷之 大王日日上 圖联以宋人補刻字倫序不紊且證為顧道翁書蓋通 **壑入焦山之養籍落葉而仰讀蹇鶴銘群聚四石繪作** 雪客神識碑考既序而傳之矣淮陰張力臣乗江水歸 其疑可也移易增益其解不可也曩在白下得祥符周 瘗鹤銘裂而為四叉失其腹由是釋文不符覽古者關 翁故宅雖在海盈之橫山而學道句曲遂移居於此集 眼書亭集

金罗巴万百言 者仍吳越武肅王所更額也相傳寺有尊勝陀羅尼石 龍興日孝義日萬壽日報恩光孝寺類屢更其日天寧 并傳刻聚木悉歸之閩人可數也 書手象家蔵門奉款識遺予情不管生産没後盡散失 力臣名殆精書法嘗為顧處士炎武寫廣韻及音學五 湖州天寧寺建自陳永定三年武宣章皇后故宅也日 一十四座今其八尚存文可辨識者一建於大中元 湖州天寧寺尊勝陀羅尼石幢跋

とことの1011年から 胡李良也一建于咸通十一年三月又斷石一平望芮 月後題刺史蘇特姓名書者曹巨川也一建于大中十 其證矣巨川渭莫考季良見宣和書譜載其行草書各 鄉宜陽里故張承吉詩云一派吳與水西來此驛分斯 文琛立後題氧符六年四月蓋平望驛時屬烏程澄源 五種考諸家記録金石文字太和八年湖州德本寺碑 二年四月書者凌渭也一建于會昌元年十一月書者 曝舊亭集

年十一月後題刺史令狐綯姓名一建于大中二年八

金分巴尼石雪 平李錡紀功碑均係李良八分書元和四年國子司業 陰係李良正書實歷二年杭州大覺禪師碑元和二年 處士而不著其里貫疑即州人至繪畫人無簡則畫譜 幢文見示予嘉其見聞之周治也書册尾歸之 辛璿碑九年永興寺僧伽和尚碑均係李良篆額是李 未詳僅見於此子友鄭元慶芷畦撰湖州府志手拓詣 良于書法諸體精熟不獨行草見長矣惜也懂第稱曰 唐阿育王寺常住田碑跋

大小四日 人 國秀搜玉二集曾載其詩唐書以賀朝萬為一人齊融 州都督府鄧縣者齊馳神龍中與賀知章賀朝張若虚 通三年釋道宣錄神州當寺以是當居第一焉碑題越 寺建於晉太康二年田賜於宋元嘉二年額更於梁普 僧惠印所覩舊文邀處士范的重書太和七年冬事也 邢巨包融等俱以吳越之士知名見劉昫唐書文苑傳 眼書字集

初趙州刺史徐嶠之書既隳于寇明州刺史于季友於

右唐阿育王寺常住田碑秘書監正字郎萬齊融撰其

女惠康公主拜附馬都尉授羽林將軍制係元稹所草 | 截季氏全唐詩均未之載季友太保頔次子也尚憲宗 詩倬彼甫田歲取十千以甫作碩不知何所本其陰有 |六年始割縣置明州齊融換碑時寺循屬越州也碑引 記則于李友辭附贈范的詩的亦有和韻之作胡氏統 為一人誤矣唐自武德四年諸州置總管未久更都督 史不言其為明州刺史宰相世系表第書絳宋等州刺 府至氧元元年始號越州而鄧縣即故鄞州開元二十

金河巴石有量

史云 **憫忠寺重蔵舍利記**

右采師倫書重蔵舍利記在京師憫忠寺碑建自唐會

目六年文稱各利舊蔵智泉寺寺經始于元魏幽州刺

等居上許留僧二十人尋又詔諸道留二十人者減其 史尉長命故入號尉使君寺按北史長命太安狄那人 **長作長參預齊神武起兵破爾朱兆者其曰節制司空** 清河張公則仲武也當武宗詔毀佛寺地分三等幽州

大三月日 かたす 眼書車集

名之士宜其好惡與時移也師倫無善書名然猶存五 年官宗即位遂弛其禁先是智泉寺已煅遂以舍利歸 半故碑云勅于封管八州内寺留一所僧限十人至是 知敬薛稷遺意亦能拔乎俗者 關日有游僧入境則斬之及宣宗增置僧寺碑稱司空 固護釋門殷誠修敬若是平前後不相侔者蓋仲武功 憫忠寺焉仲武在幽州屢破回鶻鄭畋謂會昌時功第 方段寺之歲五臺僧多奔幽州仲武封二刀付居庸

金页口四百言

右唐咸通四年八月漳州押衙兼南界游弈將王剬所 唐漳州陀羅尼石幢跋

|騎曹掌外府兵馬簿帳牧畜之事凡諸衞馬承直配于 書經後題朝議郎使持節漳州諸軍事守漳州刺史柱 國崔衮名义分書建立歲月及鐫字人于後按游弈將 造院羅尼石幢宣義郎前建州司戸祭軍事劉鏞序弁 金吾巡簡游弈者李請其料給之殆職巡邏者已是帖 五代十國多有之獨不見于唐會要新舊書惟六典載

奏ら上す

中和五年二月者即光啓元年改僖宗以是年二月至 鑑載克用遣將康君立救之而碑文則云領蕃漢步騎 李可舉成德節度使王鎔惡處存約共滅之分其地通 使王處存同破黃巢以功封隴西郡王而盧龍節度使 鳳翔三月還京改元之詔猶未下也克用與義成節度 曲陽縣北嶽廟有唐李克用題名一百二十八字文稱 **今蔵吳江潘檢討稼堂家審定為宋拓本** 唐北嶽廟李克用題名碑跋

多定匹库全書

當唐之李藩鎮連兵境上各事爭關職方不錄其地朝 和斷遂班師取飛狐路却歸河東則又史所不及載者 五十萬泉親來救援與通鑑異又云至三月幽州請就 霜兵火之餘可以補舊史之關此好古之士窮搜于荒 以至于無邦生斯世者其見聞已不能悉真況百世之 廷號令所及僅河西山南嶺南剱南十數州上下不交 **厓破冢之間而不憚也克用本武人未嘗以知書名而** 下寧免傳聞異詞哉惟金石之文久而未泐往往出風 聚舊字集

嗚呼益以見金石之文為可實也 **鉛定匹庫全書** 碑文档畫端勁詞亦簡質可誦英雄之不可量如是夫 解河東及鎮定幽四鎮碑稱欲遷舍利于閣內陳辭請 是南叙述記知常書之碑云隴西令公大王者李匡威 **發封壤上許之蓋匡威方恃燕薊勁旅有雄天下意宜** 也是歲李克用王處存合兵攻王鎔匡威救之有詔和 右唐景福元年僧復嚴葬舍利于憫忠寺觀音像前于 悯忠寺葬舍利記跋 卷五十

鎔見殺然則事佛果得福乎舍利之塔一燔于太和八 之鎔迎館于鎮登城西大悲浮圖顧望流涕未幾以圖 外石函封内金函閥其崇奉象教至矣迨明年匡威復 出師教鎔其弟匡儔據軍府自稱留後匡威進退無所 有請無不許者碑文侈陳發緘時舍利光芒異香郁烈 其碑僅存焉爾已路佛脚俾工拽而出之捐以蔵諸笥 一爐于中和二年今匡威所建之閣遺跡已不可問 唐濟安侯廟二碑跋

ところ はんだい

账書序集

金好口居全書 張建所抵廟碑謂諸王既見殺是夜建袖剱詣行官將 筠圍諸王十六宅皆巨川教之唐史附諸叛臣之列劇 國公勤王錄以始建方昭宗幸華建請散殿後軍誅李 砰濟安侯者華之城隍神也巨川為韓建掌書記採許 **し已秋客自華州來者貽予唐李巨川所為濟安侯廟** 其碑文成歸功于建此猶制犬狂吹無足怪者繼得金 朝敢為就逆事乎建倉皇而退的宗德之徒神于行宫 及御幄神属蘇叱曰汝陳許問一卒耳蒙天子恩至此

大小日日人 為衛社稷勤王計殆土木之不若蓋有激其言之矣彼 詳而當時潘鎮重臣幸時之亂曾不遣偏神老弱之郎 所誠始儒者不語怪之意與金源之文傳世者寡碑辭 而張建者復刊石而記其實也然則小人之變亂是非 特凱切可誦其稱神縛草傅泥假以成像猶能奮叱不 不知直道在人自唐迄金二百年華之父老猶能道之 巨川者問有忌憚謂土木可欺己之文足以飾非于後 既還京封神濟安侯而歐陽子五代史則謂建父叔豐 眼書亭集

金历中月有書 蓋克用之父朱邪赤心所謂亦馬將軍火生頭上者也 龍武軍統軍檢校司徒贈太保職西李公神道之碑文 代州柏林寺東晉王李克用墓斷碑二其一曰唐故左 之碑文曰公即太保之次子也其名克字僅存餘可識 日公諱國昌宇德與世為隴西沙陀人偉姿容善騎射 欲以惑天下後世者復何為哉復何為哉 日唐故使持節代州諸軍事代州刺史李公神道 晉王鏊二碑跋

史又得歸葬于代皆不可晓者土人相傳王墓上舊有 與碑文合則為克讓無疑但史載克讓守潼關與黃巢 楚的捕克讓讓與僕十數騎彎弥雖馬突圍出奔應門 碑十三今十一巳亡其二存者又散埋土中蓋金石之 兵戰敗匿南山佛寺中為寺僧所殺不言其為代州刺 軍宿衛京師親仁里第自克用稱兵雲中殺守將段文 次日克讓為振武軍校從討王仙芝以功拜金吾衛將 者有公前雖馬彎弓及徐方等數字按史克用弟四人

大三日巨小子 · 環書亭集

金好也居有了 及見也同里曹先生博采金石有歐陽趙氏之好出二 文自歐陽水叔趙明誠後世無篤好之者宜其漫漶不 碑於土墓之搨本俾予審定其字若干遂書其後歸之 更六百年而予乃得覩其二非幸敷惜乎十一碑者不 至國昌字德與紀亦遗之是十三碑者永叔亦未之見 得詳其為唐家人傳謂太祖四弟皆不知其父母名號 可辨識如是也當永叔時去五代甚近沙陀世次已不 千峰禪院碑勅跋

宗踐位日洪密具表稱賀以此答之文曰退避無所愧 右澤州盤亭山千峰禪院後唐明宗賜僧洪密勅蓋明 謂明宗武君不通文字觀署尾數大字出自親判上有 **愈良多嗚呼五代之季安得聞此長者之言哉歐陽子** The your little 史駙馬匡翰墓在太原縣東北三十里黄陵村墓碑深 璽曰書 語新鑄之印可異也 陷於地村民語予土不可搰搰之尺則更深尺子强令 晉義成節度使尉馬都尉史匡翰碑跋 曝書亭集 ナニ

撰文也辭多駢儷乃抄撮其大略云天祐中授代州副 捐之以备去土至 一 尋 龜 此 婚 點 是 則 尚 學 士 報 所 金好四月全十 游爽使解職授天雄軍牢城都指揮使遷檢校刑部尚 使以劳加銀青光祿大夫檢校太子寫客兼監察御史 改遼州副使兼領九府都督同光初充嵐憲朔等州都 使兼九府都督進檢校司空懷州刺史轉控鶴指揮使 幾改天雄軍步軍都指揮使遷侍御彰聖馬軍都指揮 書兼御史大夫上柱國轉檢校戶部尚書潯州刺史未

員依前充義成軍節度使以天福七年三月薨于鎮部 **艱起復授冠軍大將軍右金吾衛大將軍員外置同正** 諸時彦罕有倫焉則與史傳合矣 贈太保其先後歷官詳矣然史稱其歷鄭州刺史而碑 加金紫陪兼和州刺史斯馬都尉食邑五百戸俄遭內 KNU Print White 似不能言不積財而但冨厳書不憂家而惟思報國求 論不倦碑辭亦云懷鼓篋之心行有餘力藴痝詴之辨 不書何數人傳美其好讀書尤喜春秋三傳與學者講 眼書字集

金罗巴尼石 御史武十六國前趙有偏將軍覽大都皆晉人也金墓 里氏東周時即有之莊子稱相里勤之弟子是已漢有 金而碑云字國寶史稱贈太師而碑云贈太子太師則 在小相里之北繹碑辭與五代史傳略同惟史稱字奉 碑為可信已 汾陽縣有大相里小相里相里氏子孫聚族居焉按相 建雄茚度使相里金碑跋 鎮東軍牆隍廟記跋

大·· Dial Achie 位乃勃改武成王廟曰武明成德軍曰武順義成軍曰 年五月平之冬十月勅改越州威勝軍為鎮東軍授王 字記中碑文錢武肅王鏐撰王以乾寧二年伐董昌明 文予友顧徵士寧人獲諸臥龍山西岡上采入金石文 臣于梁不得不為之諱矣獨怪全忠未篡弑時唐帝在 領鎮海鎮東等軍節度使至開平二年升為大都督府 鎮東軍牆隍廟碑施宿撰會稽志張淏續之均不載其 亦謂之東府題曰牆隍廟者朱全忠之父名誠王既稱 曝蓍亭集

茂琳請改歲月陽日辰凡戊字更作武尤可發笑也 宣義并頗名皆避之追於既僭號司天監以帝自祖諱 金分四月至書 太祖百戰不能克宜其君臣有過人之才而劉繼元處 大郡而王朴以為必死之冦亡最後自周之世宗宋之 丙午二月登天龍之山得北漢李惲所為千佛樓碑異 裹瘡吮血之餘輕役其民命嬖臣范超冶金為佛治不 [捐歸裝潢之書其後曰北漢之為國不足當一 北漢干佛樓碑跋

時改元廣運而碑建于し玄故其文曰上御字之八年 皇帝皆史記所未及劉旻之語張元徽也顧我是何天 文侈大其事何數碑稱承釣為客宗皇帝繼元為英武 急之務憚身為相臣不能匡正惟事圍暴飲酒反採碑 大正的巨人 亦稱廣運元年歲次甲戌與是碑合則即位改元之說 後書廣運二年歲次し亥按楊夢申撰劉繼顒神道碑 随而已改繼元之立在宋開實元年戊辰史稱其即位 子爾亦是何節度使然則惲之夸大其辭適足以形其 **曝書亭集**

史未得其詳矣繼元殘忍好殺具書于史然當時諸臣 金好巴尼白言 亦所必行無足深罪者嗚呼以義爾之地抗百萬之師 格之里書法之陋於古之士無機焉可也 率弃之降宋范超者亦降惟惲至國亡乃降蓋其誅戮 民爭為之効死其君臣豈真無過人之才者哉若其文 爆書亭集卷五十

欽定四庫全書 曝書亭集卷五十一 翰林院檢討朱髮尊撰

宋太宗書庫碑跋

者有太宗御製文集四十卷又集一十卷怡懷詩 盡蝕文凡二千餘言僅存數百字其陰石尤泐所可識 在太原府壽寧教寺碑為風雨所剥其半沒土中歲久 右宋太宗皇帝書庫碑大中祥符四年真宗御書勒石 欠三9月 ALTS 曝書亭集

金月巴西有量 花心漏迴文圖若干卷雜書扇子一百三十六柄雜書 或宣怨言太宗盡收用之寡之館閣使修羣書廣其卷 購遺書于左昇龍門北建崇文院徒三館書實之此崇 簇子七百五十三軸按史帝既削平諸國收其圖下詔 製集一百二十卷蓋統言之也暴勢圖琴譜各二卷蓮 迴文詩一卷逍遥詠一卷至理勤懷篇一卷宋志載御 文書目所自始也又分三館書萬餘卷別為書庫所謂 秘閣是也王明清有言太平興國中諸降王死其舊臣

火モ四種を持 意翰墨特出於權謀秘計而非性所好也雖然亡國之 南安宜之書録刻者長安石工安民也其曰汲郡呂公 是可記也 之禁侍之列給筆礼事纂述謂非世主所難能欺嗚呼 快厚其廩禄贍給以役其心俾卒老于文字則帝之留 京兆府學新移石經碑記宋元祐中京兆黎持撰文河 臣世主往往輕視之如土芥而重繩之以刀鋸帝獨容 宋京兆府學石經碑跋 曝書亭集

者宣公大防之兄以工部郎中陝西轉運副使知陝州 金グモスノニ 宣公在朝二三執政問非正人監司長吏咸以與起學 省至大忠領漕日始克盡列于學載持記甚詳方是時 敵兵臨城碎為矢石亦足以助戰郝然之移置尚書售 安幕吏尹玉羽請辇入城郵謂非急務玉羽紿曰一旦 以直龍圖閣知秦州大忠也自唐鄭覃等勒石壁九經 校裒集經史為務至紹聖元符之際小人柄政諸君子 一百六十卷天祐中築新城石為韓建所弃劉鄩守長 卷五十

成被重罪以去宣公竄死度州未幾大忠亦降官崇寧 Can Del Litin 南豐曾氏而宜之之書亦稱入格迄今博聞之士或不 夫之志不可奪如是夫持為京兆學官其文群條達類 能舉其姓氏民則後生末學皆能道之以此見立身行 獨能嚴邪正之辨不肯鐫名姓于碑惟恐得罪後世匹 商英周秩楊畏之徒反覆附和恬不知恥民以一石工 初籍黨人立石端禮門側蔡京復自書碑頌郡縣彼張 巳不可不為後世慮茍是非得其正雖百工技能之人 **爆蔫亭**僕

兆長安人以孝行聞杜門隱居鄩辟為保大軍節度推 金好也周年書 嘗著自然經五卷武庫集五十卷其書散見于册府元 官任後唐至光禄少卿晉高祖召之辭以老退歸泰中 反有樂子當時之士大夫者嗚呼可感也已玉羽者京 龜惜歐陽子不為立傳而其書亦不傳于世也予既感 史記并書玉羽之事告之俾附注於鄩之傳焉 碑文之出于民所鐫而題其後予友鍾淵映將注五代 太原縣惠明寺碑跋 卷五十一

呂惠鄉檢人也當時君子視若思城而王安石獨任之 寺舍利塔碑雖能文善書之士無以過之世徒知為頭 不疑且曰惠卿之賢雖前世儒者未易比也今觀惠明 會算斂之才不知兩人當日以經術定交而取合于文 字也嗚呼此其所以為姦也數 Children Little 元祐黨籍徽宗書之立石端禮門其初九十八人爾既 而蔡京復大書頌郡縣以上書人及已所不喜者作附 桂林府石刻元祐黨籍跋 縣書序集

中節考甫孫諤六人共一百三人皆係名德之臣許子 矣豈復有所忌憚乎其後張綱看詳謂王珪一名不合 其墳寺存者定為邪等降責編管荒徼禁不得同州住 四年也是時籍中曾任宰臣執政者十無一存曾任待 麗人添入凡三百九人碑稱皇帝嗣位之五年蓋崇寧 在籍自九十七人外益以上官均岑象求江公堂范柔 制及餘官亦已零落過半亡者段其繪像及所著書奪 其子弟亦不得詣闕下小人之快意未有甚於斯時者

金好四月全書

卷五十

大小日本 ハナ 右大同普恩寺碑記宋修武郎借吉州團練使充通問 書刊石滿天下惟桂林勒之崖壁故至今獨存碑後王 孫陳乞思例次數而龔頤正遂来三百九人之事跡成 日書 珪章惇姓名漫漶者為瀑泉所泐也康熙し丑二月望 小人之厄君子適以紫之士之自立宜審所擇矣京所 元祐黨籍列傳譜述一書凡一百卷蓋惟恐其闕然則 大同府普恩寺碑跋 服書車集

金玩四月全書 系以皇統年號論者疑公自貶其詞合乎古君子危行 之去國益十七年矣題曰江東朱升而不書官又其上 使臣夕以死夕以至則朝以死觀其懷印臥起悲歌懷 之歸復不可其語耶律紹文曰上國之威命朝以至則 為金人所留迫之事劉豫不可欲易其官不可探策使 於金皇統三年二月實高宗紹與之十三年也於是公 副使婺源朱公弁所作也公以建炎元年十一月奉使 慨與漢之蘇武何異非孔子所稱不厚君命者數記成 卷五十一

Candrat Atta 其處表曰宋通問副使朱公之墓於我幸矣而公碑文 告僚友日吾已得近郊某寺地一旦畢命諸公幸麼我 言孫之義而未得其本也及公之歸宋在是秋七月記 則所謂近郊甚寺者殆即普恩寺非邪史又載公以文 亦曰予築舘之三年歲在庚戌冬十月乃遷於茲寺然 之作當在和議初成而公臨發之時也彼寺僧者見公 官爵增易其紀年無足怪者史載公被留時嘗具酒食 既去不能原公大節所在惟知奉國人之法輔刑去其 展を自立しまた

金万四月全書 白於後世讀善恩寺之碑其亦可感也夫 文章為世所重得其文者或不原其志意所在輒更易 宇文虚中吳激蔡松年之徒多以文學自命顧寺僧獨 字教金之貴人子弟使之就學因得以和好之說進蓋 以就時人之耳目至使大節皎然若未公者幾無以自 所行者遠也嗚呼士君子不幸生喪亂之際又不幸以 以公之言為足重於世亦以見恭敬之不可弃而忠信 公之文有不得已而為之者當其時宋諸臣留於金岩 **P**

杭州府學宋石經跋

募勒上石淳熙四年詔知府趙磻老建閣於太學題曰 光竟石經之閣置石其下洪邁自傳楊冠柳葉紹翁李 宋髙宗皇帝御書石經紹與十三年知臨安府事張澂 心傳陳縣王應麟潜說友紀之詳矣宋七學廢為肅政

飲定四庫全書 其什一元至正問即治所西偏建西湖書院以祀先師 廉訪司治所西僧楊連真伽造白墖於行宮故址取其 石壘墙杭州路廉訪經歷申屠致速力持不可然已損 味書亭 集

院中與紀事本末君子無取也 卷通計八十七碑諸經雖非足本然書法甚工學古者 御製序四碑在馬右則春秋左氏傳四十八碑闕其首 所當藏者若夫秦槍一跋已為訥推碎其詞見於學士 儒行大學五篇今惟中庸片石存爾其南則理宗大書 壁中左易二書六詩十有二禮記向有學記經解中庸 巡按浙江或覆之廊或鰲以紙甋崇禎末廊地乃嵌諸 設有山長掌書庫其後明常熟吳訥乾州宋廷佐先後

玉帶生宋文丞相硯名也石産自端州未為絕品其修 書拓本玉帶生銘後

扶寸廣半之厚又微殺馬帶腰玉而身衣紫丞相齊惜

末略見玉笥生詩其銘辭亦附注於詩編按金華胡翰 宋節使坐上因請以硬黃紙奉之不敢響榻也生之本 旁刻以銘書用小豪凡四十有四字歲甲申觀於商丘

次三四年全号 作謝朝傳稱天祥轉戰閩廣至潮陽被執期匿民間流 離久之間行抵勾越是信公軍敗後硯即歸朝可知其 **曝書亭集**

自稱講經律論大德志愿録并書乃遼世宗天禄三年 十六年五月宣武門西南居民掘地得石匣匣旁有記 録趙子祇燕雲録顧地志失載遺蹤遂不可稽康熙二 京師仙露寺金人俘宋室子女置其中見茶烽北狩行 之君子可以深長思矣 寓浦陽永康閥祐思諸陵登釣壇度处攜生偕往懷古 分りてたと言 瘗舍利佛牙於此記後有千人邑三字蓋社名也施主 遼釋志愿葬舍利石匣記跋

安蕭太后族只撒古魯以天禄元年為國舅帳詳穩故 為南京留守封燕王故曰燕主大王也國舅相公者请 指甄也東明王者疑是明王安端即察割之父以功王 察割之亂並葬於醫巫問山記刻於三年所云皇后盖 姓名首列帝后諸王大臣下及童男小女考遼史世宗 東丹國故曰東明王也燕主大王者中臺省右相牒蠟 位立為皇后至天禄四年方册立皇后蕭氏二后同死 她甄氏後唐官人帝從太宗南征得之龍遇甚厚及即

次定四車全書

暖書事集

詳矣又記有建窣堵波之丈疑當時石匣置於塔下塔 金グセろんご 作照常為石晉祁州刺史後仍歸遼餘子本末不得其 右王正智光雲居寺二記共勒一 何時散佚也 居寺一千人邑會之碑一稱結一千人之社一千人之 久廢而石匣僅存土中匣已無蓋其舍利佛牙又不知 曰國舅相公也獨趙思温子延照史作延昭而通鑑亦 遼雲居寺二碑跋 卷五十一 碑碑額蒙書重修雲

輔皇帝今碑建於二十三年尊號無天輔字是則二十 |尊號日天輔皇帝五年四月上尊號日至德廣孝昭聖 遼移宗尊號丞相泰王者重元為南京留守也遼史聖 天輔皇帝二十四年十月上尊號曰至德廣孝的聖天 宗初即位羣臣上尊號曰昭聖皇帝統和元年六月上 合此碑觀之則知十人色者社會之名爾天順皇帝者 石函記後有千人邑三字尼曰邑頭尼覽者疑是地名 心一稱完葺一寺結邑千人近年京城發地得仙露寺

於定四車全書

眼色草集

陽李微題額立石者同知京兆總管府事高貴也文稱 處士初諱章更名九隴又名渭又名於菟其字希文不 金京兆劉處士墓碣銘奉天楊英撰文武功張徽書洛 竊疑史有誤也 則二十四年所上之號與五年無異何用羣臣復上乎 碍所記至二十四年乃合元年尊號天輔字以稱之否 金ケモア人 四年十月以前聖宗尊號但云至德廣孝昭聖皇帝如 金京兆劉處士墓碣銘跋

地平陽入太原尋還故里以疾卒按金史哀宗紀元兵 書名畫望而判其真價當當書於市一達官持之去處 易也下筆有骨肋西州碑版多出其手一搨之外皆法 との日屋とは 民東徙至陝既而事且變投所蓄古印章鼎彝於河避 浮屠法而處開元墖三十年無家無妻子正大八年詔 士直詣廳事取書辭色不少遜挾書掉臂而出性不喜 此矣英之銘曰士之遇也為龍為虎其不遇也如魚如 既取鳳翔兩行省奪京兆遷居民於河南所云事變者 曝書亭集

新玩四四百書 幕著所以信於人者以銘先生之墓吁解特城奇而微 將橋世以自我抑直行而不顧茍會於心干載其猶旦 鼠既魚其龍又鼠其虎生必違其所好死則從其所惡 洲孫生附著於書法考焉 銘不見於載記乃摭其大略書之冊尾無録其副示長 東文王若虚段克已誠已李俊民元好問数家而已斯 正書多涉蒙隸體亦不猶人金源遺集傳至今者惟趙 趙吳與十字文跋 卷五十

志 於子 收拾此或一十七卷之一也吾鄉項子京家刻石今歸 周與嗣千文便於小學善書者恒寫一本獨智永曾書 大田里在 豐閏縣本玉田之永濟務金史稱太和問置明豪宇 四月有旨趙子昂寫來千文一十七卷發秘書監裝背 八百本散在江南而吳與趙王孫亦屢書之延祐三年 統志因之令觀至元七年縣令孫慶瑜碑記則改 元豐里縣令邵記跋 際書平集

夾谷公司捏來宰是縣足徵置縣在泰和之先也碑又 金历中五人 務為縣乃章宗大定年事且云承安中以懷遠大將軍 云大安初避東海郡侯諱更名曰豐閏東海郡侯者即 也母書法雖不工然群足以達其述先後政煩詳顧修 改関為潤而今國子監金元史雕本閨旁均著水亦非 以來庚辰之歲改縣為閏州考元史竟未之載宋王諸 衛紹王然則縣始置時仍名永濟可見又云大朝開創 公未免失於討論矣清類天文分野之書云洪武元年

右霍山廟碑建文元年正月壬午祇祭上帝於南郊二 地志者曾不引證何哉 霍山廟建文元年砰跋

難之後四年之政事悉行革除舊典遺文去之惟恐不 **牲醴祭告中鎮勒其文於碑嵌廟西壁上蓋自燕師靖** 月癸亥鴻臚寺序班周敖國子監生袁綱奉命以香幣

欧定四車全書 於補修惠宗實録者辭雖不多所宜大書特書布在方 盡乃普天之下尚留此一片石存人間世之君子有志 眼書事集 +

萬歷丁酉先太傅文恪公偕福清葉文忠典應天鄉試 策者也 なりりし 跋首善書院碑 卷五十

得華亭吕公原先生卷先文恪欲置第一文忠謂是卷 文雖高恐不得第欲以所擬第二人領解先文恪曰此

時文爾雖第與不第等未若不第者之文其人必以學

行聞於時遂定先生卷第一後先生試禮部斬掮落調 選人官工部司務是時鄒忠介馮恭定講學京師於宣

中城察院官舍訪之果存其後西洋人借書院以為思 置書院一為王評事應遊墓勒蔵壁問為御史其徒置 武門内大時雅坊建首善書院先生與周忠毅董其役 桐城孫舍人國牧請重書是碑文敏謂曩曾書二碑一 繼而羣小交攻毀書院而碎其碑傳聞碑初立時祇搨 作記董文敏書之則先大父已遷官故未得書於石也 而先大父時為都察院照磨實經營之及書院成文忠 一十三紙而先生蔵其二至崇禎壬申文敏起自田問

队定四車全書

學書字集

者仰先儒之典型可以識君子小人存亡進退之故是 家子姓化離坎填光代賜書俱已零落而先生後人猶 生侍先太傅於京邱兩家結婚呂先生實為行媒令兩 能於兵火之餘裝満是碑守以勿失幕而刻之俾覽觀 光持搨本見示义六年嘉先子天右持至都将重勒上 局久之遂踞其中甲申春李自成入寇中城所蔵之碑 亦不可問矣康熙辛酉子復主江南鄉武先生之孫嘉 石請予跋其尾予母華事唐文恪公孫也先君安度先

可泯已 **碑傳書院雖毀安知無有復之者則嘉先父子之功不** 北京國子監進士題名碑跋

唐人及第書名雁墖未处録諸石也明自永樂二年命

工部建進士題名碑於南京國子監撰記者翰林传讀

是歲即命立石國子監然今無有有之自宣德五年林 學士王達也十三年會試天下貢士於北京登科考謂 震榜始也由宣德武崇禎十三年碑几七十一通思陵

欽定四庫全書 寒 五十一

之次而十六年楊廷鑑榜遂無隙地可樹碑矣子輯日 書石篆額工部營繕司郎中王瀬監工立於進士題名 延儒奉刺撰文太僕寺少卿翰林院侍書朱國詔奉勅 例謁孔廟行釋菜禮并立石題名帝如所請大學士問 三人又吳康侯等百人盡留特用於是惇等請接進士 厭薄進士故將下第舉人與廷試 貢士史惇等百六十 天子命大學士代祀孔子尋尊充十哲分獻官禮畢 下售聞既撮其大略筆之於卷康熙辛未秋八月上丁

欽定四庫全書 第者罕有拓而傳示子孫徒僵立於風雨水雪之中信 其剥蝕不亦可歎也夫爰屬二公扶其路者升搨之 論資格日嚴而萬歷以後題名之石不師舊典作記登 矣哉不由是出身逐人斬投之僻左荒遠之地士大夫 偕祭酒汪彩電采司業吳涵容大偏覽諸碑其初釋褐 記無路於地者多有之嗚呼明之祖宗待進士可謂隆 即撰記立石後乃有遲一二十年始立又或有題名無 眼書車集

百亭集卷五十一